

La BCG installescha in bancomat drive-in

Cuira, ils 17 da zercladur 2013 – La Banca Chantunala Grischuna ha avert ils 13 da zercladur 2013 danovamain in bancomat per retrair daners a moda simpla e confortabla davent da l'auto. Il nov bancomat drive-in sa chatta a la Via da la Caserna 53 a Cuira.

Gia l'onn 2003 ha la Banca Chantunala Grischuna avert a Cuira sper il tancadi da la Migrol a la Ringstrasse l'emprim bancomat drive-in dal Grischun. Cunquai ch'il tancadi vegn renovà, ha ella stuì chattar in nov plaz per quel. Las experientschas positivas e l'utilisaziun frequenta dal bancomat da la Migrol han animà la banca d'installar anc ina giada in tal bancomat. Surtut la clientella ha apprezzià fitg da pudair retrair daners a moda confortabla e svelta senza stuair bandunar l'auto. «Cun metter a disposiziun in tal bancomat pudain nus puspè tegnair quint da quest basegn», sa legra il commember da la direcziun generala Thomas Roth.

Il nov bancomat drive-in sa chatta en in lieu central sper la surbajegiada Grünberg a la Via da la Caserna 53 a Cuira e porscha 24 uras al di pajaments en francs svizzers. Ultra da quai permetta el da chargiar si il dabun dal telefonin, da far assegni e da s'infurmar davart ils contos. En total ha la Banca Chantunala Grischuna en funcziun var tschient bancomats en l'entir chantun.

A Vossas dumondas respunda gugent:

thomas.roth@gkb.ch

Manader martgads, commember da la direcziun generala | +41 81 256 94 60

Il sector marketing & communicaziun As gida gugent a cuntanscher il pli svelt pussaivel Vossa persuna da contact:

As drizzai a thom.mueller@gkb.ch | +41 81 256 83 11

ubain a hans-peter.rest@gkb.ch | +41 81 256 83 10.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa l'114 collavuraturas e collavuratur (stadi dals 31-12-2012). En il chantun Grischun cun sias numerusas vals e pliras linguas, è l'interpresa represchentada cun 68 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il resultat annual preschenta ella cun ina summa da bilantscha da CHF 19,364 milliardas in gudogn brut consolidà da CHF 217,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestril 2013:

26 da fanadur 2013

chascha postala
7002 Cuira
Tel. +41 (0)81 256 91 11
Fax +41 (0)81 256 99 98
www.gkb.ch